

403358 kat. komp.

III 1845/4846

komp. 403358

4

# INDEX SCHOLARUM

IN

# UNIVERSITATE STUDIORUM

# JAGELLONICA



INDE

A DIE 1 OCTOBRIS ANNI MDCCCXLV

USQUE

AD MEDIUM MENSEM JULIUM ANNI MDCCCXLVI

HABENDARUM.



1845/46

CRACOVIAE

TYPIS UNIVERSITATIS JAGELLONICAE.

403358

778578121/121

INDEX SCHOLARUM  
IN  
UNIVERSITATE STUDIORUM  
JAGELLONICA



Za pozwoleniem Cenzury Rządowej.

403358

14

1865/1866

Biblioteka Jagiellońska



1002470136

Bibl. Jagiell.  
1975KZ 570/75

**ADAMUS KRZYŻANOWSKI**

**UNIVERSITATIS STUDIORUM JAGELLONICAE CRACOVIENSIS**

**RECTOR**

**CUM**

**SENATU ACADEMICO**

**CIVIBUS LITERARUM STUDIO S.**

**De jure saxonico, ejus olim in Polonia magna auctoritas fuit, multi quidem scripserunt; nemo autem ejus historiam in Polonia peculiari opere comprehensam adhuc edidit. Vir de literis nostris, ac inprimis de Universitate Jagellonica optime meritus, G. S. Bandtke, hoc magni laboris opus paucis ante obitum annis suscepit, eoque perduxisse traditur, ut typis excudi posset: quae tamen a mortuo relicta sunt ipsius manu conscripta, tantum absunt, ut opus perfectum appellari queant, ut sylvam nonnisi rerum contineant, magno subsidio futuram, quisquis juris saxonici apud Polonos historiam concinnare velit. Sunt tamen in his nonnulla non affecta solum, sed et accuratius elaborata; at ita, ut ab auctore, ejus diligentia et cura cuique satis sunt nota, retractanda fuerint, antequam typis vulgarentur. In horum numero ponimus, quae de rationibus introducendi in Po-**

loniam juris saxonici contra Beckerum et Rössigium disputat; eaque Vobiscum communicare statuimus.

„Introducendi in Poloniam juris saxonici rationes indicarunt duae eruditissimae dissertationes in Actis Jablonovianis novis (Acta Societatis Jablonovianae T. I. Lips. 1802 pp. 67 — 114), quarum alteram scripsit *Joannes Rudolphus Beckerus*, alteram *Carolus Teoph. Roessigius*.— Beckerus quidem tres adtulit causas: *primam*, legum patriarum defectum; alteram, Polonorum cum Germanis tam belli quam pacis commercium; tertiam, colonias Germanorum seculo XIII in Poloniam deductas. — In dissertatione autem *Roessigii* decem rationes allatae sunt: quarum *prima*, nexus Poloniae cum Germania (si ita dicere fas est) clientelaris; ceterae: matrimonia Principum polonorum cum filiabus germanicorum Principum; educatio eorum in Germania; — commercium cum Germanis, inprimis cum Episcopo (Archiepiscopo) Magdeburgensi; — coloniae germanicae deductae jure Teutonico; — religio, (quod videlicet Episcopi poloni Magdeburgensi Archiepiscopo paruerint); mercatura Magdeburgensis; auctoritas Imperii germanici; consuetudo seculi XIII.; et postremo auctoritas Magdeburgensis civitatis.

Attamen praeter consuetudinem seculi, non hae fuerunt recipiendi juris Teutonici in patria nostra seculo XIII. causae. Sed quum Poloni Saxonis essent vicini, magna inter eos intercedebat amicitia, non tantum dum erant ethnici, sed etiam postquam Christiani facti junctis armis convertebant Slavos Obotritas, Luticios, et Pomoranos ethnicos. Quumque mores essent non absimiles, et consuetudines antiquitus fere eadem, fieri non potuit, ut novi advenae et coloni alio quam Teutonico jure locarentur; unde venit, ut, quum jura eorum non scripta in oblivionem abire coepissent, tam magnam auctoritatem tres privatae collectiones juris Magdeburgici apud nos

(iv) v

obtinuerint, ut nunquam publica auctoritate in Germania approbatae apud nos comitiis Regni anno 1356 Cracoviae publice confirmarentur; quo vim legis (ut nunc dicunt) obligatoriam in civitatibus et villis jure Teutonico locatis sunt nactae. Nam paene ridicula est causa, quam *Beckerus* adtulit, videlicet defectum patriarum legum, quae nunquam defuerunt Polonis. Nec multo meliores causae sunt, quas laudavit *Roessigius*. Qui enim Imperatores S. R. J. germanicae nationis contra integram Poloniam bella gesserunt, ii semper infelici eventu arma moverunt, ut v. g. Henricus II Claudus et Henricus V;— qui autem contra divisam exsurrexerunt, ut Lotharius II., Conradus III. et Fridericus Ahenobarbus, ii aut nullo, aut breve in tempus successu aliquo laetati sunt. Hinc factum est, ut, si quando de terris per Polonos ad mare Balticum in Pomerania anteriori debellatis aliqua clientelae species fuerit, ea nec diu duraverit, nec ad universam Poloniam pertinuerit. — Si quis nexus amicitiae vel foederis inter Imperatores Germaniae et Duces Regesque Poloniae fuerat, sane non is fuit, qui inter Duces et Marchiones germanicos feudatarios, aut inter Reges Bohemiae et Imperatores; nunquam enim Polonia tota occupata aut armis subacta fuit ab Imperatoribus, qui vix ad Wartam fluvium pervenerant, et plerumque ne Viadrum quidem transierunt. Quum autem jus Saxonicum Magdeburgicum nunquam in Germania auctoritate imperatoria approbatum esset, nescio, quomodo Imperatores idem jus in Polonia stabilire aut confirmare potuissent, qui id domi nunquam fecissent. Vix animo concepti exspiraverunt a. 1133 vani conatus B. Norberti Archiepiscopi Magdeburgensis de subjugandis Episcopis Poloniae. — Germanos colonos deductos autem fuisse in Silesiam per Polonorum principes non XIII. sed jam XI seculo, non paucis virorum doctorum documentis probatum est.“

Sed haec hactenus. Reliqua, ne longi simus, in aliud tempus servamus.

Nunc autem, quod moris est, Vos etiam atque etiam hortamur, ut Viri tanti memoriam colatis, ejus industriam et indefessum literarum studium imitemini; si, quam ille non apud nos solum, sed et apud exteris nactus est famam, Vos quoque assequi cupitis. Valet.



# ORDO THEOLOGORUM.

**LEO LAURYSIEWICZ.**

S. TH. D. P. O. P. FACULTATIS THEOLOGICAE H. T. DECANUS.

Auditoribus anni tertii Theologiam Pastoralem, Cateheticam, Didacticam, Eloquentiam sacram, simulque artem mutos surdosque a natura tractandi et instituendi sequenti ordine tradet: Semestri hyemali diebus Lunae et Martis ab hora 9 — 10 Theologiam Pastoralem, a 10 — 11 Cateheticam; diebus Veneris et Saturni ab hora 10 — 11 Theologiam Pastoralem, ab 11 — 12 Cateheticam, nec non ab hora postmeridiana 2 — 3 Theologiam Pastoralem duce Povondra; Semestri aestivo, iisdem horis et diebus, Eloquentiam Sacram duce Skidełł, Didacticam duce Veinkopf, atque artem mutos surdosque tractandi duce Czech.

**CAROLUS TELIGA.**

S. TH. D. P. O. P.

Historiam Ecclesiasticam et Patristicam auditoribus anni primi in utroque semestri, diebus Lunae, Mercurii et Veneris mane ab hora 10 — 11; post meridiem ab hora 2 — 3; die vero Martis, ab hora 10 — 12 et die Jovis ab 10 — 11 explanabit.

**IGNATIUS PENKA**

S. TH. D. P. O. P.

Institutiones Dogmaticas auditoribus anni secundi diebus Lunae, Martis, Mercurii, Jovis et Veneris ab hora 11 — 12, duce Klüpfel; Ethicas vero auditoribus anni tertii, diebus Lunae, Martis, Mercurii et Jovis ab hora 5 — 6 post meridiem duce Stapf, profitebitur.

**FELIX SOSNOWSKI**

S. TH. D. P. P. O.

Archaeologiam et Hermeneuticam auditoribus anni primi, semestri hyemali, diebus Lunae, Veneris et Saturni ab hora 8—9 duce Ackermann et Alber; Linguam Hebraicam et Syro-chaldaicam, diebus Martis, et Mercurii ab hora 9—10 per utrumque semestre, duce Jahn et Oberleitner; semestri aestivo Exegesim SS. Librorum Veteris Foederis, diebus Lunae, Veneris et Saturni ab hora 9—10, duce Calmet; Introductionem in libros Veteris et Novi Foederis, auditoribus anni secundi, semestri hyemali diebus Martis, Mercurii et Saturni ab 8—9, duce Ackermann et Alber, semestri aestivo iisdem diebus et horis Exegesim Novi Foederis, nec non semestri hyemali die Lunae ab hora 9—10, Linguam Arabicam, et semestri aestivo, eadem hora et die Exegesim sublimiorem docebit.

Auditores anni primi praelectionibus Paedagogiae, anni vero secundi praelectionibus Juris Canonici interesse tenentur, secus ascensu carebunt.

**ORDO JURISCONSULTORUM.****ADAMUS KRZYŻANOWSKI.**

J. U. D. P. P. O. H. T. UNIVERS. STUD. JAGELL. CRACOVIENSIS RECTOR.

Jus civile, mercantile et processum extrajudicalem, auditoribus anni tertii, per utrumque semestre, diebus Lunae, Mercurii, Jovis, Veneris et Saturni ab hora 8—9 et diebus Lunae Mercurii et Saturni ab hora 12—1, duce Delvincourt et Locrée praelegat.

## FELIX SŁOTWIŃSKI

PHIL. ET J. U. D. P. P. O. FACULTATIS JURIDICAE H. T. DECANUS.

Historiam Juris Romani et Institutiones, auditoribus anni primi per utrumque semestre diebus Martis et Saturni ab h. 8—9 duce Bacchio et Heineccio; Jus ecclesiasticum auditoribus anni secundi per utrumque semestre, diebus Lunae, Veneris et Saturni ab h. 9—10. secundum suum opus, cui titulus: *Institutiones juris ecclesiastici* typis editum; Pandectas auditoribus anni secundi per utrumque semestre diebus Lunae ab h. 8—9; diebus vero Martis, Mercurii et Jovis ab h. 9—10 duce Westenbergio e propriis schedis interpretabitur.

## FERDINANDUS KOJSIEWICZ

J. U. D. P. P. O.

Oeconomiam politicam auditoribus primi anni per utrumque semestre diebus Lunae, Martis, Mercurii et Jovis ab h. 9—10 duce Say et Skarbek; Jus naturae privatum, publicum et gentium auditoribus anni primi diebus Lunae, Martis et Mercurii ab h. 3—4 ducibus Zeiller et Martini; Auditoribus anni secundi per utrumque semestre diebus Martis et Jovis ab h. 10—11; Politiam et notitiam status rerum publicarum, juncta redditus publicos tractandi arte, ducibus Lotz, Rau et Schnabel, tradet.

***Cathedra Legum fundamentalium civitatis, Juris Poenalis et Codicis Civilis Judicialis vacat.***

Leges fundamentales civitatis et jus criminale auditoribus anni primi per utrumque semestre diebus Jovis, Veneris et Saturni ab h. 3—4; auditoribus vero anni tertii processus civilis judicialis per utrumque semestre diebus Lunae, Martis, Mercurii, Jovis, Veneris et Saturni ab h. 9—10 tradentur.

## ORDO MEDICORUM.

### JOSEPHUS MAJER

M. ET CH. D. P. P. O. ORDINIS MEDICORUM H. T. DECANUS.

**Elementa Psychologiae et Logices**, deinde doctrinam **Physices**, illa e propriis schedis, hanc vero secundum opus **Radwańscii** tradet diebus **Lunae et Veneris** ab h. **11—12**; **Physiologiam, Pathologiam** generalem, **Therapiam** generalem, tum **Pharmacodynamicen** et artem formulas medicas concinnandi e propriis schedis explicabit diebus **Martis, Mercurii et Jovis** ab h. **10--11**; denique **Pathologiam et Therapiam** specialem e schedis suis profitebitur auditoribus **Chirurgiae** per utrumque semestre quotidie, exceptis diebus **Saturni et Solis**, h. **2—3**.

### JOSEPHUS BRODOWICZ

M. D. P. P. O. INSTITUTI MEDICO-CLINICI DIRECTOR.

**Pathologiam et Therapiam** specialem e propriis schedis duce **Hildenbrando et Raimanno** diebus **Lunae, Martis, Mercurii, Jovis et Veneris**, ab h. **9—10**; **Praxin** medicam iisdem diebus ab hora **10—11** auditores anni quarti et quinti docebit.

### FLORIANUS SAWICZEWSKI

M. D. P. P. O.

**Pharmaciam** diebus **Lunae, Martis, Mercurii, Jovis et Veneris** ab h. **7—8** duce **Geigero**; **Chemiam** generalem nec non practico-forensem duce **Berzelio, Dumasio et Hünefeldio**, diebus iisdem ab h. **8—9** per utrumque semestre auditoribus anni primi et secundi tradet.

**LUDOVICUS BIERKOWSKI**

PH. M. ET CHIR. D. P. P. O. INSTITUTI CHIRURGICO-CLINICI DIRECTOR.

Chirurgiam theoreticam generalem et specialem e propriis scriptis duce Chelio, per utrumque semestre auditoribus anni tertii diebus Lunae, Mercurii et Veneris ab h. 12—1; Chirurgiam practicam auditoribus anni quarti per utrumque semestre diebus Martis, Jovis et Saturni iisdem horis; praxin vero chirurgico-clinicam auditoribus anni quarti et quinti per utrumque semestre quotidie, exceptis diebus Saturni et Solis, ab h. 11—12 explicabit.

**FREDERICUS SKOBEL**

M. ET CH. DR. P. P. O.

Semestri hiemali auditoribus anni primi Hodegeticen medicam duce Friedlaendero diebus Martis et Jovis pomeridie ab h. 3—4 tradet; auditoribus vero anni tertii primo Pathologiam generalem et Semioticen praeunte Alberte, dein Hygienen e propriis schedis profitebitur, et quidem mane quotidie, exceptis diebus Saturni et Solis inde ab h. 8—9, pomeridie vero diebus Lunae, Mercurii et Veneris ab h. 3—4. — Per semestre aestivum auditoribus anni tertii quotidie, exceptis itidem diebus Saturni et Solis, iisdem horis matutinis et pomeridianis explicabit Pharmacodynamicen et Toxicologiam duce Oesterleno; artem formulas medicas concinnandi duce Phoebos, denique Therapiae generalis praecepta e propriis tradet schedis.

**ANTONIUS KOZUBOWSKI**

M. ET CH. D. P. P. O.

Anatomiam duce Boekio Auditoribus anni primi ab h. 9—10, Physiologiam duce Müllero auditoribus anni secundi ad h. 11—12 per utrumque semestre quotidie, exceptis diebus Saturni et Solis, profi-

tebitur. — **Exercitationes anatomico-practicae** instituentur semestri hiemali iisdem diebus ab h. **10—11** et **2—3**.

### FRIDERICUS HEHELL

M. ET CHIR. D. P. P. O.

**Medicinam forenses** praeuntibus **Henkio**, **Berntio**, et **Orfila** semestri hiemali; **Zoagriam** et **Politiam medicam** ducibus **P. Frankio**, **Berntio** et **Nicolaio** semestri aestivo exponet diebus **Lunae**, **Martis**, **Mercurii**, **Jovis** et **Veneris** h. **7—8**; **Historiam Medicinae** e propriis scriptis ducibus **Sprengelio**, **Heckero** et **Isenseo**, per utrumque semestre tradet iisdem diebus ab h. **12—1**.

### JOSEPHUS KWAŚNIEWSKI

M. ET CHIR. DR. P. P. O.

**Theoriam artis obstetriciae** semestri hiemali auditoribus anni tertii, semestri aestivo feminis artem obstetriciam discendibus diebus **Lunae**, **Martis**, **Mercurii** et **Jovis** ab h. **9—10** ducibus **Froriepo** et **Caro** explicabit; **doctrinam de morbis feminarum** praeunte **Joergio**; dein **doctrinam de morbis infantum** ducibus **Henkio** et **Wendtio** diebus **Martis** et **Veneris** ab h. **8—9**; denique **Praxin artis obstetriciae** auditores anni quinti, nec non feminas arti obstetriciae vacantes diebus **Lunae**, **Mercurii**, **Jovis** et **Saturni** iisdem horis docebit.

### IGNATIUS CZERWIAKOWSKI

M. D. P. P. O. HORTI BOTANICI DIRECTOR.

**Historiam naturalem universalem** auditoribus **Philosophiae** anni secundi per utrumque semestre diebus **Lunae**, **Martis**, **Mercurii**, **Veneris** et **Saturni** ab h. **10—11**; **Mineralogiam** et **Zoologiam** auditoribus **Medicinae** anni primi semestri hyemali diebus **Lunae**, **Martis**, **Mer-**

curii, Jovis et Veneris h. 11 — 12, duce Berzelio, Leonhardo et Okeno; Botanicam generalem et specialem duce Richardo et Winklero, semestri aestivo iisdem diebus ab h. 6 — 7 explanabit.

**LAURENTIUS DOMAŃSKI**

Bibl. Jac.

M. ET CH. DR.

Medicinam veterinariam theoreticam et practicam quotidie, exceptis diebus Solis, per binas horas ducibus Gurltio, Haynio et Schwabio docebit.

**ORDO PHILOSOPHORUM.**

**JOANNES CAJETANUS TROJAŃSKI**

PHIL. D. P. P. O. FACULTATIS PHILOSOPHICAE H. T. DECANUS.

Octies per hebdomadem tradet literas latinas et polonicas: auditoribus anni secundi diebus Lunae, Mercurii, Veneris et Saturni hora matut. 8 — 9; auditoribus anni primi iisdem diebus semestri hiberno hora 9 — 10, semestri aestivo hora 7 — 8. Et polonicas quidem literas exponet e suis schedis; historiam liter. latin. ducibus Mathiae, Passow et Bähr; antiquitates Romanorum ratione ac via a Creuzero monstrata.

Idem aestivo tempore binis per hebdomadem horis postea designandis praecepta styli cultioris extra ordinem exponet.

**JOSEPHUS JANKOWSKI**

PHIL. ET J. U. D. P. P. O.

Psychologiam et Logicam auditoribus anni 1mi semset. hyem. diebus Lunae, Mercurii, Veneris et Saturni ab h. 8 — 9,

**Ethicam** auditoribus anni 2di per utrumque semestre diebus Martis et Jovis ab hora 8 — 9, die vero Saturni 9 — 10, **Historiam philosophiae** auditoribus anni 2di per utrumque semestre diebus Martis et Jovis ab hora 9 — 10 tradet.

### MAXIMILIANUS WEISSE

PHIL. ET J. U. D. P. P. O. OBSERVAT. ASTRON. DIRECTOR.

**Mathesin** sublimiorem anni 2di diebus Martis, Jovis et Saturni, ab hora 7 — 12 duce Burg, Ettinghausen et Poisson tradet.

**Astronomiam** per utrumque semestre diebus Lunae, Mercurii et Veneris ab hora 11 — 12, duce Santini et Littrow docebit.

### MICHAËL WISZNIEWSKI

PHIL. D. P. P. O.

**Historiam universalem** auditoribus anni 1mi diebus Lunae, Mercurii et Veneris ab h. 11 — 12; auditoribus vero anni 2di diebus Martis, Jovis et Saturni ab h. 11 — 12; **Historiam literariam universalem** duce Wachler, auditoribus quibuscunque per utrumque semestre diebus Martis et Jovis ab h. 3 — 4 tradet.

### JOSEPHUS MUCZKOWSKI

PHIL. D. BIBLIOGRAPHIAE P. P. O. ET BIBLIOTHECARIUS.

**Bibliographiam** per utrumque semestre diebus Lunae, Mercurii et Veneris hora 2 — 3 profitebitur.

### LUDOVICUS STEPHANUS KUCZYŃSKI.

PHIL. D. P. P. O.

**Doctrinam physices** auditoribus anni 2di semestri hiberno diebus Lunae, Mercurii et Veneris ab h. 9 — 10 et ab h. 11 — 12;

praeterea die Martis ab h. 2—4 et die Jovis ab h. 2—3; semestri vero aestivo quotidie ab hora 7—8 matut. et praeterea die Lunae, Mercurii et Veneris h. 9—10 exponet.

### JOANNES CANTIUS STECZKOWSKI

PHIL. D. MATH. ELEM. P. P. O.

Tradet Arithmeticam, Algebram, Geometriam, Stereometriam, Trigonometriam et Sectiones conicas, semetri hiberno diebus Lunae, Mercurii, Veneris et Saturni h. 10—11, diebus vero Martis et Jovis hora 9—11 et insuper die Lunae hora 3—4 pom.; semestri autem aestivo diebus Lunae, Mercurii et Veneris h. 9—10, diebus vero Martis, Jovis et Saturni h. 9—10.

#### *Professores supplentes docebunt:*

Doctrinam religionis auditoribus anni primi per utrumque semestre diebus Mercurii et Saturni ab h. 3—4; auditoribus vero anni secundi diebus Lunae et Veneris ab h. 3—4 duce Frint;  
Paedagogiam per utrumque semestre diebus Veneris et Saturni ab h. 4—5, duce Milde;  
Linguam graecam per utrumque semestre diebus Lunae et Mercurii ab h. 4—5.

#### *Adjuncti Professorum Facultatis medicae et philosophicae:*

Joannes Cantius Rzesiński Ph. et J. U. D. Adjunctus Bibliothecarii.  
Isidorus Duczyński Ph. et J. U. D. Ad. Directoris Observatorii Astronomici. Hic tradet Math. sublim. anni 1mi diebus Lunae, Mercurii et Veneris per utrumque semestre ab h. 11—12, ducibus Burg et Ettingshausen.

Adj. Directoris instituti medico-clinici vacat.

Josephus Jaszczurowski M. D. Adj. Directoris instit. chirurgico-clinici.  
 Vladislaus Tyrchowski M. et Ch. D. Adj. Professoris artis obstetriciae.  
 Ludovicus Sadkowski Adj. Prof. Anatomiae.  
 Josephus Riedmüller Adj. Professoris historiae naturalis.  
 Teophilus Wojciechowski Mag. Pharm. Adj. Prof. Chem. et Pharmac.  
 Ignatius Janicki Adj. Prof. Physices. v. a.

Linguam Germanicam Augustus Otremba per utrumque semestre  
 quotidie h. 5—6 pomer.

Linguam Gallicam Franciscus Aubertin hora 6—7.

Linguam Rossicam Hieronymus Mecherzyński hora 2—3, docebunt.

Lectorium in bibliotheca publica Universitatis semestri hiemali quo-  
 tidie, exceptis diebus festis, ab h. 9—1; semestri vero aestivo  
 ab hora 9—12 et 3—6;—Observatorium Astronomicum hor-  
 ris 3—6, diebus Jovis et Solis;—Museum Chemicum diebus  
 Veneris ab hora 9—12; Museum Physicum die Saturni ab ho-  
 ra 9—12: Museum Zoologicum et Mineralogicum die Saturni  
 ab h. hora 1—4 tempore hiemali, aestivo vero ab h. 3—6;—  
 Hortus botanicus quotidie, Museum anatomicum die Saturni ab  
 h. 11—12, patebunt. Hospitibus vero extraneis, qui Musea,  
 Bibliothecam et Observatorium invisere cupiunt, nulla hora prae-  
 finita est, dnmmodo tempus praelectionibus sacrum condonare  
 velint.



403358 Nat. Komp.

403358  
M  
1

III 1845/1846



SCHOLARUM

IN

ATE STUDIO

JAGELLONICA



INDE

TOBRIS ANNI MDCCCXLV

USQUE


EM JULIUM ANNI MDCCC

HABENDARUM.



BRAGOVIAE

RSITATIS JAGELLONICAE



403358 Nat. Komp.

403358  
M  
1

III 1845/1846



...X SCHOLARUM

IN

...ATE STUDIO

...JELLONICA



INDE

...OBRI ANNI MDCCCXLV

USQUE

...EM JULIUM ANNI MDCCC

HABENDARUM.



...BRAGOVIAE

...RSITATIS JAGELLONICAE

